

finium die eiusdem 10., praesentibus D. Thoma Schallero & M. Ioachimo Zehnero. Sub finem Examinis producta Andria Terentii, & recitatum a Iobanne Friderico Carmen de Propbeta Malachia, quem Pastor, M. Andreas Fulda, haecenus praelectum hoc in Examine ultimo examinavit. Nam die 12. Dec. diem suum obiit.

In Coniugio Fuldae vixit Ottilia, Henrici Neubergers / Consulis Ienensis, & Dorotheae Druckschärfsin / Filia. Iureque & merito huc transcribuntur Annotatiunculae binae, in eadem illa Matricula ad annos, quibus Fulda Inspector Scholae fuit, collocatae, & Ipsius vitam pleniorē exhibentes: Nam A. 1590. d. 9. Ian. nomina sua Scholae dederunt Schleusingsi, Iobannes Fulda, Ienensis, & Christophorus Fulda, Sulzfeldensis, Filii Dn. M. Andreae Fuldae, Inspectoris & Pastoris Ecclesiae Schleusingsis, ab ipso Parente adducti; & A. 1594. d. 18. Mart. celebratum est Festum Gregorii, Episcopus fuit Iobannes Spörer, Sulensis, Convivium vero institutum fuit in aedibus Domini Pastoris Fuldae, curante patre Episcopi, Simone Spörer, liberalissimo Viro. Vid. die Schleusingsische Bischoffs Historie / s. Oratio, qua, typis exscripta A. 1702., Memorabilia Episcopalia Gymnasii Schleusingsis, explanavi.

In usum imo Gymnasii Schleusingsis publicum, & sumtibus Aerarii Scholastici, sed curante Dn. M. Andrea Fulda, Pastore & Inspectore, A. 1594. comparabantur Fabri Thesaurus & Scapulae Lexicon, libri carenulis quondam in Auditorio primo ad parietem alligati, nunc longiore usu detriti, lacerati & confecti, hanc tamen, quae in frontem quasi virius-
que